

LEIÐBEININGAR UM FRÁGANG RITGERÐA OG NÁMSKEIÐSVERKEFNA

Sleppið ávallt forsíðu ef verkefnið er styttra en 15 síður. Merkið ritgerðir og verkefni í höfði (e. header) með 12 punkta lettri. Hafið nafn höfundar hægra megin í efstu línu og tölvupóstfang nemanda hjá HÍ í annarri línu. Vinstra megin í höfði ætti að koma fram í efstu línu námskeiðsnúmer og heiti námskeiðs, heiti deildar í annarri línu og nafn kennara í línunni þar fyrir neðan. Fyrir neðan línurnar þrjár í höfði ætti að vera línubil. Titill ritgerðar eða heiti verkefnis á að vera miðjujafnað með feitletruðu 16 punkta lettri. Hafi ritgerðin undirtitil ætti hann að vera einni línu neðar á miðri síðu með fetletruðu 14 punkta lettri. Ef verkefni er lengra en 15 síður megið þið hafa (en þurfið ekki) forsíðu. Hafi verkefnið forsíðu ætti að fara eftir sniðmáti.

Notið alls staðar Times New Roman letur. Í meginmáli skal ávallt nota 12 punkta letur, tvöfalt línubil og forvaldar (e. default) stillingar á spássíu (þ.e. 2,5 cm). Í neðanmálsgreinum skal nota 10 punkta Times New Roman letur og einfalt línubil. Athugið að ritvinnsluforrit gæti skipt um letur eða notað aðra línubilsstillingar í neðanmálsgreinum. Textinn á að vera fulljafnaður (e. justified) í meginmáli jafnt sem í neðanmálsgreinum. Ekki ætti að vera línubil á milli efnisgreina í ritgerðum. Upphaf efnisgreinar ætti að vera inndregið um 0,75 cm. Blaðsíður eiga að vera tölusettar neðst á hverri síðu.

Skrifið á vandaðri íslensku með nútímastafsetningu.¹ Forðist óþarfar skammstafanir í meginmáli og notið íslenskar gæsalappir („“).² Í meginmáli eiga nöfn fornanna (einkum grísk nöfn) að fara eftir íslenskum ritvenjum.³

Ef fyrirmæli eru gefin um lengd ritgerðar í orðafjölda skal talning innihalda neðanmálsgreinar en undanskilja heimildaskrá.

Ritgerðum skal fylgja heimildaskrá. Nota skal Oxford-kerfið en vísað skal í heimildir í tölusettum neðanmálsgreinum með nafni höfundar og ártali.⁴ Notið einungis fullt nafn í tilvísun ef höfundur er íslenskur en annars eftirnafn. Gefið upp nákvæmt blaðsíðutal í tilvísunum (t.d. Þorsteinn Gylfason (1998): 35-37; en ekki 35 o.áfr.) Í heimildaskrá skal skáletra titla bóka og heiti tímarita. Hafið titla tímaritsgreina og bókarkafla innan gæsalappa. Tilvísanir í forna höfunda skulu vera samkvæmt venjum í klassískum fræðum: ef ekki er vísað í tiltekna þýðingu eða útgáfu textans, t.d. til að ræða eða nota orðalag hennar, skal vísa í verk fornanna eftir staðlaðri kaflaskiptingu, blaðsíðu- eða línutali, með stöðluðum skammstöfunum á nöfnum höfunda og latneskum titlum⁵ án þess að setja

¹ Ef þið eruð í vafa skuluð þið styðjast við Dóru Hafsteinsdóttur (ritstj.), *Stafsetningarorðabókina* (Reykjavík: JPV útgáfa, 2006). Athugið að aftast í bókinni eru birtar „Ritreglur“ Íslenskrar málstöðvar frá 2006 í samræmi við auglýsingar menntamálaráðuneytis nr. 132/1974, 133/1974, 184/1974 og 261/1977.

² Athugið að seinna merkið snýr svona “ en ekki svona ”.

³ Varðandi umritun grískra nafna, sjá viðaukann „Um gríska stafkróka“ eftir Svavar Hrafn Svavarsson í Aristótelesi, *Síðfræði Nikomakkosar* öðru bindi (Reykjavík: Hið íslenska bókmenntafélag, 1995): 289-93. Nöfn Rómverja þarfnast yfirleitt engrar umritunar.

⁴ Venjulega gerir Oxford-kerfið ráð fyrir að annaðhvort neðanmáls eða aftanmáls sé vísað í heimildir heimildaskrárinnar og að tilvísanirnar séu til höfundar og titils en samt er einnig möguleiki á að nota Harvard-leiðina („author-date system“) innan Oxford-kerfisins. Um Oxford-kerfið má fræðast í 17. og 18. kafla í *New Oxford Style Manual* (Oxford: Oxford University Press, 2012).

⁵ Til dæmis Pl. Resp. 509E. (= Platon, *Ríkið* 509E). Staðlaðar skammstafanir fornra höfunda og verka er að finna í *OLD* og *LSJ*. Notið gríska titla einungis ef verk á sér ekki handritageymd eða engin venja er fyrir latneskum titli.

höfund og verk í heimildaskrá. Um frágang heimilda, þ.á m. meðferð fornra verka, er nánar fjallað í skjalinu „Heimildanotkun“.

Heimildir eiga að vera fræðilegar og viðeigandi. Wikipedia er ekki ásættanleg heimild – auðvitað er ekki bannað að lesa Wikipediu en ef þið lesið Wikipediu verðið þið að finna heimildina sem Wikipedia styðst við og skoða hana sjálf (og að því búnu vísa í *hana* ef viðeigandi); ef það er ekki hægt að finna heimildina sem Wikipedia byggir á, þá vitið þið ekki enn það sem stóð í greininni af því að Wikipedia er einungis eins áreiðanleg og heimildirnar sem hún styðst við. Sömuleiðis er engin stoðheimild – hvorki á vefnum né á prenti – eftir ónafngreindan höfund ásættanleg. Oft eru bestu heimildirnar alls ekki á netinu, heldur á bókasafninu!

Nemendur eiga að skila ritgerðum og verkefnum rafrænt á tölvupóstfangið gtt@hi.is nema annað sé tekið fram. Skjölin mega vera Microsoft Word-skjöl eða pdf-skjöl.⁶ Nefnið skjalið með nafni ykkar, bandstriki og titli sem er lýsandi fyrir verkefnið, s.s. „ritg.“ „verkefni I“, „verkefni II“ o.s.frv. eftir því sem við á (t.d. Jónína Jónsdóttir-verkefni I.doc eða Jónína Jónsdóttir-ritg. 2.pdf).

⁶ Ef um vinnuskjal er að ræða, fremur en lokaútgáfu, og yfirlstrar er vænst skal senda Word-skjal svo að nota megi „track changes“-möguleika ritvinnsluforritsins.